

Općina Kakanj
Stručna služba za poslove Općinskog načelnika

Osvrt na 2019. godinu

Nemirenje i neprihvatanje floskula "Ne treba teška pitanja pokretati", "To je nemoguće riješiti", "Treba se pomiriti da se to nikada neće riješiti", "Nema para", "Nije vrijeme za to", "To je utopija"...

U 2019. godini pokrenuto je rješavanje brojnih pitanja koja su veoma kompleksa, zahtjevna, teška i često kvalificirana kao nerješiva. Radi se o sljedećem inicijativama:

potpisivanje sporazuma o saradnji između Općine Kakanj, RMU Kakanj, Tvornice cementa Kakanj i Trgošpeda na realizaciji projekta izgradnje dionice ceste Donji Kakanj-Kondžilo (u toku aktivnosti);

iniciran sastanak s predstavnicima JP Željeznice F BiH u vezi svakodnevnih problema i izazova s kojima se susreću mještani Doboja, Bičera, Dumanca...

iniciran sastanak s predstavnicima Agencije za vodno područje rijeke Save u vezi poduzimanja aktivnosti na rijeci Bosni kako bi se smanjili rizici od poplava;

formirano radno tijelo za rješavanje problematike regionalnih cesta;

kako bi se rješavao problem nedostatka ljekara specijalista u Domu zdravlja Kakanj inicirana izrada odluke o sufinansiranju specijalizacija za ljekare;

održani sastanci s predstavnicima svih mjesnih zajednica, identificirani problemi i infrastrukturne potrebe u svim naseljima;

s premijerom Vlade ZDK i resornim ministrima realizirane aktivnosti u vezi dodjele koncesije i zaključivanja koncesijskog ugovora s RMU Kakanj;

posjeta svim školama sa ciljem sagledavanja potreba za ulaganjima (nadležan ZDK, ali se bez obzira na to Općina uključuje jer škole pohađaju kakanjska djeca)...

U 2019. godini u Kakanj stiglo 3.666.590 KM s viših nivoa vlasti i od donatora

Za hidrotehničke objekte u Kakanj stiglo 1.362.590 KM

U svrhu izgradnje hidrotehničkih objekata (vodovodi, regulacija korita rijeka, kanalizacione mreže) u Kakanj je tokom 2019. godine stiglo 1.362.590 KM. Od ove cifre realizirani su radovi u vrijednosti od 244.505,83 KM, dok su u fazi realizacije ili pripreme za realizaciju projekti čija je vrijednost 1.118.084 KM. U okviru ove cifre, u hidrotehničke objekte na području Kaknja, Ministarstvo za poljoprivredu, šumarstvo i vodoprivredu ZDK je izdvojilo 686.963 KM.

Za izgradnju kanalizacionog sistema u slivu rijeke Trstionice (II faza) čija je realizacija u toku, Fond za zaštitu okoliša F BiH i Općina Kakanj zajedno su izdvojili 254.997 KM. Za uređenje desne obale rijeke Bosne od Mosta mladih prema Cementarskom mostu Agencija za vodno područje rijeke Save izdvojila je 420.630 KM (realizacija projekta u toku).

Za izgradnju zgrada socijalnog stanovanja u Kakanj stiglo 1.679.000 KM

Početak aprila 2019. godine u Kaknju je počela izgradnja zgrade socijalnog stanovanja s 20 stanova za raseljena lica ukupne vrijednosti od 900.000 KM. Izgradnju ove zgrade finansira Ministarstvo za ljudska prava i izbjeglice BiH.

U 2019. godinu u Kaknju je u naselju Varda realizirana izgradnja sedme po redu zgrade socijalnog stanovanja. Izgradnju zgrade s 10 stanova finansirali su "Caritas" Švicarska, Ministarstvo za ljudska prava i izbjeglice BiH, uz učešće Općine Kakanj. Vrijednost projekta iznosi 479.000 KM.

Tokom 2019. godine u Kaknju je realizirana izgradnja 7 stambenih objekata za porodice koje su bez domova ostale ili su njihovi domovi oštećeni u poplavama. Izvršena je i adaptacija 12 stambenih objekata. Ukupna vrijednost projekta iznosi 300.000 KM. Radi se o projektu "Oporavak od poplava – Intervencije u stanogradnji" kojeg finansira EU, a implementiraju Razvojni program Ujedinjenih nacija – UNDP u partnerstvu sa nevladinim organizacijama ASB i Hilfswerk Austria International.

Za izgradnju ambulanti u Kakanj stiglo 285.000 KM

Izgradnja ambulante porodične medicine u Zgošći koja je otvorena u aprilu 2019. godine koštala je 185.000 KM, a od tog iznosa 135.000 KM je stiglo s viših nivoa vlasti. U 2019. godini realizirani su završni radovi na izgradnji ambulante porodične medicine u Krševcu, a za ovu svrhu Turska agencija za saradnja i koordinaciju TIKa je izdvojila 150.000 KM.

Novih 340.000 KM iz Federalnog fonda za zaštitu okoliša

Na osnovu zajedničkog angažmana predstavnika Općine Kakanj i svih aktera s područja Kaknja koji brinu o ekološkoj slici Kaknja i kvalitetu života građana, pripremljeni su i aplicirani kvalitetni projekti na javni poziv, tako da je Federalni fond za zaštitu okoliša odobrio Kaknju iznos od 340.000 KM.

Osim toga, kroz kontakte i razgovore s predstavnicima Fonda na adekvatan način je predstavljena ekološka slika Kaknja opterećena brojnim štetnim utjecajima, te modaliteti kako da se poboljša kvalitet života građana Kaknja.

Javnom preduzeću "Grijanje" Kakanj odobreno je 50.000 KM za projekat: „Izrada PTD Glavni projekat magistralnog vrelovoda pripadajućih ogranaka u gradu Kaknju od TE Kakanj do TP9“.

Općini Kakanj odobreno je 100.000 KM za projekat „Sanacija i izolacija kosog i ravnog krova na objektima JU za predškolski odgoj i obrazovanje 'Mladost' Kakanj“.

Javnom preduzeću "Vodokom" d.o.o. Kakanj odobreno je 140.000 KM za projekat „Rekonstrukcija glavnog transportnog cjevovoda Bukovica-Prva, dio dionice Filter stanica- Ilidža“.

Općini Kakanj odobreno je i 50.000 KM za projekat „Nabavka novih uređaja za kontinuirano praćenje kvaliteta zraka na području Općine Kakanj“.

Sabirajući ove iznose dolazi se do cifre od fascinirajućih 3.666.590 KM koliko je stiglo u Kakanj s viših nivoa vlasti i od donatora.

Osvrt na 2019. godine: Poduzetništvo i poljoprivreda

„Pokreni svoj posao u Kaknju”, obuka i prekvalifikacija, zapošljavanje osoba s invaliditetom, ekonomsko osnaživanje žena...

U 2019. godini Općini Kakanj je dodijeljen prestižni BFC SEE certifikat (Business Friendly Certification South East Europe – Certifikat o povoljnom poslovnom okruženju).

Tokom 2019. godine kroz projekat "Pokreni svoj posao u Kaknju" podsticaj je ostvarilo 39 nezaposlenih osoba koje su, uz pomoć Općine, pokrenule i registrirale vlastitu djelatnost. Za ovu svrhu utrošeno je 132.228,44 KM. Ministarstvo za rad, socijalnu politiku i izbjeglice ZDK je podržalo projekat s 25.000 KM.

Podsticajna sredstva za refundaciju troškova osnivanja obrtničkih, trgovačkih i ugostiteljskih radnji i dijela troškova osnivanja preduzeća "d.o.o" ostvarilo je 69 korisnika. Za tu svrhu je utrošeno 31.048,22 KM.

U svrhu sufinansiranja troškova nabavke mašina i druge opreme u cilju proširenja djelatnosti i povećanja broja zaposlenih izdvojeno je 37.679,07 KM. Ovaj podsticaj je koristilo 11 pravnih/fizičkih lica.

U svrhu sufinansiranja samozapošljavanja i zapošljavanja osoba s invaliditetom izdvojeno je 7.978,16 KM. Podsticaj je ostvarilo jedno pravno lice koje trenutno upošljava 9 osoba s invaliditetom s područja općine Kakanj i jedno fizičko lice.

Iznosom od 12.000 KM Općina Kakanj je podržala provedbu projekta "Ekonomsko osnaživanje žena kroz obuku šivanja, tkanja, pletenja i dekupaža". U saradnji s Udruženjem žena općine Kakanj realizirana je obuka koju su uspješno završile 43 žene s područja Kakanja.

Za 9 pravnih/fizičkih lica dodijeljen je podsticaj za regresiranje kamata po kreditima odobrenim u komercijalnim bankama. Obzirom na obaveze prema 6 korisnika iz prethodnih godina ovaj podsticaj u tekućoj godini je koristilo 15 pravnih/fizičkih lica. Utrošeno je 13.413,21 KM.

U svrhu poboljšanja kvaliteta praktične nastave u Mješovitoj srednjoj školi Kakanj izdvojeno je 6.317,20 KM za nabavku simulatora vožnje.

Općina Kakanj je pružila pomoć poduzetnicima i obrtnicima i na način da je osigurala njihov nastup na sajmovima.

Za finansiranje rada Udruženja „Razvojni centar općine Kakanj“ utrošeno je 28.598,03 KM.

Za realizaciju ugovorenih obaveza prema korisnicima programa „Pokreni svoj posao u Kakanju“ iz 2017. i 2018. godine izdvojeno je 98.347,07 KM.

Otkupljeno 688.700 litara mlijeka, za općinske podsticaje odobreno 957 zahtjeva

U oblasti poljoprivrede Općina Kakanj je u 2019. godini isplatila 385.600 KM podsticajnih sredstava. Za općinske podsticaje odobreno je 957 zahtjeva.

U 2019. godini zabilježeno je 84 novih upisa, tako da je do sada na području općine Kakanj zabilježeno 1.815 poljoprivrednih gazdinstava upisanih u Registar poljoprivrednih gazdinstava.

U 2019. godini na području općine Kakanj od strane otkupljivača svježeg kravljeg mlijeka otkupljeno je ukupno 688.700 litara svježeg kravljeg mlijeka. Ukupna suma općinskih podsticaja za otkupljeno mlijeko iznosila je 64.993,36 KM.

Za 10 korisnika dodijeljen je podsticaj za uzgoj rasplodnih krmača (ukupno 3.500 KM), 16 korisnika je dobilo podsticaj za specifične vrste poljoprivredne proizvodnje (ukupno 4.550 KM), podsticaj za pčelarstvo ostvarilo je 120 korisnika (ukupno 19.597 KM), 4 korisnika su ostvarila podsticaj za ovčarstvo i kozarstvo (1.885 KM).

Općinski podsticaj za plasteničku i stakleničku proizvodnju ostvarilo je 96 korisnika (23.698 KM), 126 korisnika su ostvarila općinski podsticaj za sufinansiranje osnovne i dopunske obrade poljoprivrednog zemljišta (ukupno 34.964 KM), 2 korisnika su ostvarila općinski podsticaj za otkup voća (392,3 KM KM), dok su 24 korisnika ostvarila općinski podsticaj za predate količine zelenog feferona (5.186,95 KM).

Podsticaj za predate količine jagodičastog voća ostvarila su 182 korisnika (ukupno 21.846,64 KM), 40 korisnika je ostvarilo podsticaj za održavanje intenzivnih zasada visokostablašica (13.655,82 KM), 3 korisnika su ostvarila podsticaj za otkup voća (2.334,66 KM).

Za općinski podsticaj za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi, u 2019. godini iz Budžeta Općine Kakanj utrošeno je ukupno 23.672,47 KM, a pravo na ovaj podsticaj ostvarilo je 14 poljoprivrednika.

Podsticaj za sufinansiranje odobrenja za izgradnju štalskog objekta koristio je jedan poljoprivredni proizvođač (1.000 KM). Podsticaj za nabavku mašina i opreme za prerađivačke kapacitete u oblasti poljoprivrede ostvario je jedan korisnik (5.000 KM).

Podsticaj za nabavku i instaliranje sistema navodnjavanja „kap po kap“ za proizvođače zelenog feferona ostvarilo je 8 korisnika (836.91 KM). Podsticaj za sufinansiranje i refundaciju troškova obaveznih doprinosa ostvarilo je 6 korisnika (3.348,32 KM).

U svrhu sufinansiranja projekata udruženja poljoprivrednih proizvođača po LOD metodologiji izdvojeno je 19.160 KM (4 zahtjeva), dok je za sufinansiranje projekata u saradnji s HO „World Vision“ izdvojeno 8.000 KM.

Općina Kakanj je proglasila, te novčano nagradila najbolje poljoprivredne proizvođače u 2019. godini. To su:

1. Oblast mljekarstvo – samostalni poljoprivrednik Alajbegović Hasan,
2. Oblast govedarstvo – samostalni poljoprivrednik Tunjić Marija,
3. Oblast ovčarstvo – samostalni poljoprivrednik Petričević Mijo,
4. Oblast peradarstvo – Farma „Milah“ vl. Sikira Halim,
5. Oblast pčelarstvo – Amidžić Suad,
6. Oblast voćarstvo – Pehiljagić Ibrahim,
7. Oblast jagodasto voće – Smaka Amel,
8. Oblast ratarstvo i povrtlarstvo – Smaka Lejla,
9. Oblast plastenička proizvodnja – samostalni poljoprivrednik Šolbić Amir.

U 2019. godini organizirane su 4 teorijske i jedna praktična edukacija za poljoprivredne proizvođače.

Naknade porodiljama, finansiranje obdaništa, udžbenici za prvačice, stipendije i prevoz za učenike i studente, sufinansiranje doktorskog studija...

U 2019. godini donosena je i realizirana odluka koja podrazumijeva značajno povećanje novčane pomoći za porodilje iz Budžeta Općine Kakanj. Za zaposlene porodilje pomoć iznosi 200 KM za prvorođeno dijete, 250 KM za drugorođeno te 300 KM za treće i svako naredno dijete. Za nezaposlene porodilje pomoć iznosi 250 za prvorođeno dijete, 350 KM za drugorođeno te 500 KM za treće i svako naredno dijete. Kakanj se u smislu isplata naknada porodilja sve češće spominje kao primjer.

Općina Kakanj redovno finansira rad Javne ustanove za predškolski odgoj i obrazovanje "Mladost" Kakanj, a obaveza roditelja je da plaćaju samo 50 KM mjesečno.

U 2019. godini Općina Kakanj, brend "Moj san" čija se proizvodnja realizira u Kaknju, te Izdavačka kuća "Vrijeme" udružili su snage, te su zajedno omogućili besplatne udžbenike za kakanjske prvačiće. Ukupna vrijednost udžbenika koji su nabavljeni iznosi 17.000 KM. Za tu svrhu Općina Kakanj je izdvojila 7.020 KM, brend "Moj san" 3.000 KM, dok je preostali dio osigurala Izdavačka kuća "Vrijeme".

Općina Kakanj svake godine dodjeljuje stipendije i studentima i učenicima srednjih škola, što je rijetkost jer stipendije za studente obično dodjeljuju kantonalna ministarstva koja su nadležna za oblast obrazovanja, dok su rijetke ili gotovo da nema lokalnih zajednica koje stipendiraju učenike srednjih škola.

Tokom 2019. godine Općina Kakanj je izvršila sve obaveze u pogledu isplate općinskih stipendija za 200 učenika srednjih škola (visina stipendije po učeniku 300 KM) i 88 studenata (visina stipendije po studentu 800 KM). U svrhu isplate općinske stipendije za studente u 2019. godini izdvojeno je 137.000 KM, dok je za đачke stipendije izdvojeno 60.000 KM. Isplaćena je i razlika za 203 studenata koji su dobili kantonalnu stipendiju i za tu svrhu je izdvojeno 40.600 KM. Naime, iznos kantonalne stipendija je manji od iznosa općinske, ali je Općina Kakanj isplatila razliku tako da su svi studenti dobili po 800 KM koliko iznosi općinska stipendija.

Kakanjski studenti koji ostvaruju izvanredne rezultate pravo na stipendiju ostvaruju automatski bez bodovanja. Također, automatski bez bodovanja pravo na stipendiju ostvaruju i učenici srednjih škola – djeca sa posebnim potrebama, djeca poginulih rudara i djeca iz populacije Roma. Učenik srednje škole koji ponese titulu učenika generacije ostvaruje, automatski bez bodovanja, pravo na stipendiju za prvu godinu studija.

Novitet u 2019. godini je organizacija svečanog defilea maturanata kakanjskih srednjih škola.

Općina Kakanj sufinansira i troškova doktorskog studija za nadarene studente sa područja općine Kakanj.

Općina Kakanj finansira i prevoz učenika i studenata u iznosu od 100 % ili 50 % u ovisnosti od socijalne karte porodice kojoj učenik pripada. Za ovu svrhu izdvojeno je 130.000 KM. U školskoj 2019/2020. pravo na ovu povlasticu ostvaruje 175 učenika i 20 studenata. Općina Kakanj finansira i prevoz za 26 djece s invaliditetom.

Općina Kakanj finansira i organiziranje općinskih takmičenja osnovaca i srednjoškolaca, te obezbjeđuje novčane nagrade za najbolje učenike sa takmičenja, te za učenike generacije osnovih i srednjih škola.

Općina Kakanj učestvuje u sufinansiranju rada Centra za djecu i odrasle sa posebnim potrebama (Zenica – 13.432 KM i Dobrinje, Visoko, 35.881,53 KM).

Aktivnosti na planu zaštite okoliša - rekonstrukcija mreže grijanja, ekološke akcije, sanacija divljih deponija, sadnja drveća, postizanje energetske efikasnosti javnih objekata, LED displej...

Nakon što je u protekle 4 godine uložila 1.600.000 KM za rekonstrukciju dotrajale mreže daljinskog grijanja, i ove godine Općina Kakanj je nastavila s ulaganjima za tu svrhu. Ove godine izdvojeno je 425.000 KM.

U 2019. godini na ulazu u gradsku jezgru postavljen je LED displej dimenzija 600 x 100 cm. Na displeju se objavljuju informacije o kvalitetu zraka, datum, vrijeme, temperatura zraka, servisne informacije i brojne druge informacije, poruke i slično...

U 2019. godini su počeli radovi na uređenju izletišta Bukovica. Prva faza je realizirana nedavno, a radovi se nastavljaju na proljeće. U toku su i aktivnosti na realizaciji tenderske procedure javne nabavke radova u svhu izgradnje Eko-parka Tršće.

I ove godine Općina Kakanj realizira projekte usmjerene na povećanje energetske efikasnosti javnih objekata. Za utopljanje ambulante Krševac izdvojeno je 17.567 KM. Za povećanje energetske efikasnosti kroz rekonstrukciju krova stare zgrade obdaništa "Mladost" izdvojeno je 62.000 KM, a realizacija će zbog tenderskih procedura biti u 2020. godini. U međuvremenu za ovaj projekat je odobreno i dodatnih 100.000 KM iz Fonda za zaštitu okoliša F BiH. Za ugradnju LED javne rasvjete na Ponijerima izdvojeno je 86.699,99 KM.

U 2019. godini izvršena je sanacija nekoliko divljih deponija smeća. Radi se o deponiji u Povezicama, deponiji u blizini autobuske stanice, deponiji uz regionalni put u Papratnici, deponiji u Rudarskoj ulici, deponiji u blizini naselja kod TC Kakanj, te deponija na lokalitetima Klanac i Karaulsko Polje.

U mjesecu martu inicirana je i realizirana velika proljetna ekološka akcija "Grablje, vreće i rukavice i svi u proljetne radne akcije".

Općina Kakanj je podržala i ekološke aktivnosti kakanjskih ribara na planu čišćenju obala rijeka, a aktivno učestvuje i u projektu "Čista rijeka Bosna" koji obuhvata više općina.

U prvoj fazi velike ekološke akcije "Volim Kakanj" koja je realizirana nedavno očišćeno je, prikupljeno i deponovano 256 kubnih metara otpada koji se nalazio na obalama rijeke Bosne. Iz korita Bosne je izvučeno više od 200 komada istrošenih auto i kamionskih guma. Ukupna dužina očišćenih obala je cca 15,5 km. U toku akcije od plutajućih nanosa očišćeni su stubovi 7 mostova (PVC otpad, drveće). Vrijednost do sada izvršenih radova iznosi 25.669,80 KM. U prvoj fazi velike akcije "Volim Kakanj" izvršeno je i čišćenje, te uređenje korita i obala rijeka i potoka na području općine Kakanj. Akcija se nastavlja na proljeće.

U 2019. godini Udruženje C.E.K.O.R. (Centar za ekologiju i održivi razvoj Kakanj), u saradnji sa Općinom Kakanj i JP "ŠPD-ZDK" - P.J. Kakanj, realiziralo je veliku akciju pošumljavanja na lokalitetu Slapna Gora. Radi se o hvale vrijednom volonterskom angažmanu usmjerenom na očuvanje šumskog fonda, svojevrsnih "pluća Kaknja".

U 2019. godini uz desnu obalu rijeke Bosne, od Mosta mladih do Cementarskog mosta, zasađeno 18 sadnica drvodrednog/alejnog javora, 12 sadnica drvodredne lijeske, 12 sadnica drvodrednog brijesta, 20 sadnica drvorenog graba i 20 sadnica drvodrednog javora. Drvored je zasađen i preko puta zgrade Općine Kakanj.

U zimskom periodu, Općina Kakanj finansira besplatan prevoz za sve zainteresirane do ski-centra Ponijeri.

I u 2019. godini Općina Kakanj je sufinansirala troškove odvoza otpada iz udaljenih mjesnih zajednica (50.000 KM).

Općina Kakanj je finansijski podržala i ekološki projekat NTV IC i NVO C.E.K.O.R - emisiju "Eko plus" čiji je cilj povećanje ekološke svijesti kod djece predškolskog i školskog uzrasta.

U 2019. godini Općina Kakanj je za ručno i mehaničko čišćenje, pranje i uklanjanje nečistoća s gradskih i prigradskih javnih površina i saobraćajnica izdvojila iznos od 386.300 KM, dok je za unapređenje i održavanje javnih zelenih površina izdvojeno 103.980 KM. Za projekte održavanja i poboljšanja higijene i uređenje kontejnera i kontejnerskih mjesta, čišćenje vodnih objekata i deratizaciju izdvojeno je 79.913 KM.

U saobraćajnu infrastrukturu uloženo preko milion KM, asfaltirano 6 km puta (fokus stavljen na ruralna i prigradska naselja)

U toku 2019. godine Općina Kakanj je za rekonstrukciju, sanaciju i izgradnju cestovne infrastrukture izdvojila 1.137.202 KM, od čega 887.015 KM u ruralna i prigradska naselja, te 250.187 KM u gradsko područje.

Izdvajamo putne pravce koji su rekonstruisani: Bištrani (45.516,66 KM), Seoce (38.228 KM), Krševac (49.999 KM), Stari dom – Pedići (99.999 KM), Čaje (MZ Brnj, 59.999 KM), Kubure (nastavak 39.998,23 KM), Povezice (49.999,62), Bištrani-Mali Trnovci (87.805,70 KM), Veliki Trnovci-Počivala (21.058,41 KM), Tičići (29.998,17 KM), saobraćajnica iza Hotela Kakanj (27.238,88 KM), uređenje pristupnog puta sportskoj dvorani (31.819,64 KM), Čalukova Bara – Jurići (MZ Seoce, 19.999 KM), sanacija šteta na putevima na Plandištu i Ričici (10.000 KM), saobraćajnica u Ulici šehida (28.000 KM), autobusko stajalište u Ulici branilaca, Skenderovići (13.890 KM)...

S obzirom da je kapacitiranost u pogledu parking prostora prepoznata kao jedan od prioriteta, u tu svrhu uloženo je cca 100.000 KM, gdje se posebno ističu izgradnja novog parkinga u Ulici šehida iza Veterinarske stanice, te proširenje i rekonstrukcija parkinga iza Sportske dvorane.

Također ove godine se radilo i na izgradnji trotoara tamo gdje su najpotrebniji zbog sigurnosti pješaka, a posebno učenika (most kod Kaome, most kod Reala, Brežani kod škole).

Ukupna dužina asfaltiranih dionica iznosi cca 6.000 metara, što predstavlja nastavak kontinuiteta opredijeljenosti Općine Kakanj da se postojeća cestovna infrastruktura očuva i dodatno unaprijedi, a sve s ciljem poboljšanja sigurnosti učesnika u saobraćaju.

Za hidrotehničke objekte (vodovodi, uređenje obala rijeka, kanalizacione mreže) u Kaknju uloženo 1.362.590 KM

U svrhu izgradnje hidrotehničkih objekata (vodovodi, regulacija korita rijeka, kanalizacione mreže) u Kaknju je tokom 2019. godine uloženo 1.362.590 KM. Od ove cifre realizirani su radovi u vrijednosti od 244.505,83 KM, dok su u fazi realizacije ili pripreme za realizaciju projekti čija je vrijednost 1.118.084 KM.

U okviru ove cifre, u hidrotehničke objekte na području Kaknja, Ministarstvo za poljoprivredu, šumarstvo i vodoprivredu ZDK je izdvojilo 686.963 KM iz sredstava vodnih naknada.

U 2019. godini iz vodnih naknada realizirani su projekti: nastavak izgradnje vodovoda Bijele Vode (24.508,21 KM), nastavak izgradnje vodovoda Slapnica (38.407,22), izgradnja kanalizacione mreže Bukovlje, Čobe i Safundžije (49.438 KM), izgradnja kanalizacionog sistema Haljinići (7.498 KM), regulacija korita i uređenje obala rijeke Zgošće (64.438,39 KM), radovi na sanaciji desne obale Ribnice - lokalitet Brnjic (4.996 KM).

Iz vodnih naknada se realizira i nekoliko projekata čija je realizacija u toku. Radi se o projektima izgradnje vodovoda Koprivnica-Banjevac (48.930,39 KM), izgradnje kanalizacionog sistema u MZ Haljinići (9.894,51 KM), te izgradnje kanalizacione mreže Obre-Polje.

Iz istih sredstava će se realizirati i nekoliko projekata koji su u fazi pripreme za realizaciju. To su projekti: nastavak izgradnje vodovoda Varalići (99.942,32 KM), izgradnja vodovoda Zagrađe (151.399 KM), dovršetak vodovoda Brus (58.889,66), te projekat izgradnje kanalizacione mreže u Papratnici.

U toku je i realizacija projekta kanalizacionog sistema u slivu rijeke Trstionice (II faza) iz sredstava Fonda za zaštitu okoliša F BiH i Općine Kakanj (254.997 KM), te realizacija uređenja desne obale rijeke Bosne od Mosta mladih prema Cementarskom mostu kojeg finansira Agencija za vodno područje rijeke Save (420.630 KM).

Općina Kakanj svake godine izdvaja oko milion KM za javnu rasvjetu, mreža proširena za novih 7 kilometara

Općina Kakanj je za proširenje sistema javne rasvjete u tekućoj godini predvidjela iznos od 201.306,49 KM, od čega je uloženo 162.649,73 KM, dok se vrše pripreme za realizaciju preostalog dijela projekata u narednoj godini nakon okončanja tenderske procedure. Ukupna dužina novoosvjetljenih dionica iznosi 7 kilometara. Radi se o sljedećim naseljima: Podborje (13.371,58 KM, dužine 1 kilometar), Zagrađe (21.856,77 KM, dužine 1.300 metara), Crkvenjak i Miljačići (33.690,38 KM dužine 2 kilometra), Ponijeri (93.731,00 KM, dužine 3 kilometra).

U 2020. godini proširenje će obuhvatiti preostale lokacije: Kamen, Bijele Vode (8.626,04 KM, dužine 500 metara), Varda (10.272,60 KM, dužine 400 metara), Hodžići (11.685,12 KM dužine, 1 kilometar), Hrasnice, Doboj (8.073,00 KM, dužine 300 metara).

Kada na ovaj iznos dodamo cifru od 700.000 KM, koliko Općina svake godine izdvaja za održavanje rasvjetnih tijela i plaćanje računa na ime utrošene električne energije za cjelokupnu teritoriju općine, dobijemo iznos od približno milion KM koji se ulaže u sistem javne rasvjete.

Za razliku od toga, u drugim općinama mještani plaćaju račune, a moraju i sami mijenjati sijalice i vršiti popravke, tako da se dešavaju i isključenja zbog neplaćanja ili kašnjenja u plaćanju utrošene električne energije.

U tom smislu, vrijedi istaknuti kako se širenje sistema javne rasvjete odvija po najvišim standardima korištenjem LED sijalica, a sve sa ciljem što kvalitetnijeg osvjetljenja uz racionalne uštede električne energije. Osim toga, zamisao je da se postepeno vrši zamjena postojećih rasvjetnih tijela energetski efikasnijom LED rasvjetom, što će itekako podići stepen sigurnosti učesnika u saobraćaju, ali i stvoriti ambijent sveukupne javne bezbjednosti građana. Inače, LED svjetiljke imaju veoma dug vijek trajanja, čak do 20 godina, a pored toga donose uštedu od preko 50% električne energije u odnosu na klasičnu rasvjetu (živine i natrijeve žarulje), te 90% uštede za njeno održavanje. Osim toga, značajan je i doprinos zaštiti okoliša, jer ne sadrži štetne elemente poput žive.

Također, postavljanje LED rasvjete na izletištu Ponijeri ukupne dužine 3 kilometra predstavlja projekat koji će uveliko stvoriti pretpostavke za daljnji razvoj turizma i obogaćivanje turističke ponude, tako da je predviđeno daljnje širenje mreže, shodno potrebama i raspoloživim budžetskim sredstvima.

Nastavljen kontinuitet stalnog jačanja kapaciteta Službe civilne zaštite

Nabavka opreme i vozila

U 2019. godini kakanjski vatrogasni vozni park obogaćen je s tri vozila. Radi se o sljedećim vozilima: terensko vozilo Dacia Duster dizel, 4 x 4, godište 2019. koje je kupila Općina Kakanj, vatrogasno vozilo - cisterna kapaciteta 2.000 litara i kombi-vozilo "Fiat Scudo" za prevoz ljudstva i opreme koji su nabavljeni uz pomoć Kantonalne uprave civilne zaštite i Vatrogasnog saveza ZDK.

U pomenutom periodu izvršena je i kupovina novih uniformi za sve pripadnike Profesionalne vatrogasne jedinice Kakanj, te nabavka novih ručnih radio-stanica, nabavka kišnih odijela i megafona.

U 2019. godini Vlada F BiH donijela je odluku kojom se zgrada u kojoj je u prijeratnom i ratnom periodu bio smješten Opštinski štab Teritorijalne odbrane Kakanj dodjeljuje na korištenje Općini Kakanj. Plan je da se o trošku Općine Kakanj izvrše nužne popravke krova, zamjena stolarije i uređenje unutrašnjosti, te da se nakon toga zgrada koristi za potrebe Službe civilne zaštite i udruženja koja su svojom misijom i djelatnošću vezana za civilnu zaštitu (radioamateri, Merhamet – javna kuhinja, Crveni križ, planinari...).

Pomoć ugroženima od klizišta i poplava

U 2019. godini završeni su radovi i uručeni ključevi za sedam korisnika stambenih jedinica nakon što su njihovi domovi uništeni prilikom prirodne nesreće i poplava iz 2014. godine. Riječ je o novoizgrađenim stambenim jedinicama kroz Program za oporavak od poplava – stambeno zbrinjavanje što predstavlja nastavak napora Evropske unije da stambeno zbrine i ekonomski osnaži najugroženije porodice čiji su domovi oštećeni ili uništeni u poplavama i klizištima. Pored stambenog zbrinjavanja ovih sedam porodica kroz izgradnju novih kuća, završena je i sanacija 11 stambenih jedinica oštećenih 2014. godine.

Općina Kakanj će učestvovati i u zajedničkom programu Vlade Švicarske i Ujedinjenih nacija u Bosni i Hercegovini pod nazivom „Smanjenje rizika od katastrofa u Bosni i Hercegovini za održivi

razvoj“. Program će se realizirati u naredne četiri godine. Kroz program će biti obuhvaćeno pet oblasti i to: zaštita i spašavanje, obrazovanje, socijalna zaštita, zdravstvo i školstvo, a za realizaciju ovog programa formirana je lokalna platforma za smanjenje rizika od katastrofa.

U februaru 2019. godine Kakanj se borio s poplavama. Poduzeto je niz intervencija na spašavanju ljudi i materijalnih dobara, a nakon prirodne nesreće porodicama čiji su objekti bili poplavljeni dodijeljeno je po 1.000 KM pomoći. Odobreno je i 3.000 KM pomoći jednom od mještana Zagrađa čija je kuća stradala u požaru, te 1.000 KM pomoći za stambeno zbrinjavanje jednog od građana Kakanja u okviru velike humanitarne akcije. Iznosom od 5.000 KM pružena je pomoć u svrhu uređenja mokrog čvora i osiguranja pitke vode za učenike područne škole Slapna Gora.

Tokom 2019. godine Općina Kakanj je putem Službe civilne zaštite na područje kakanjskih mjesnih zajednica isporučila značajne količine cijevi i građevinskog materijala u svrhu poduzimanja palijativnih mjera u zonama klizišta, te aktivnosti na sanaciji korita rijeka i potoka. Realizacija ovih aktivnosti vršena je na osnovu zahtjeva savjeta mjesnih zajednica ili pojedinaca za isporukom materijala, dok su ugradnju i radove vršili mještani zajedničkim radom. Težište aktivnosti bilo je na sanaciji oštećenja infrastrukturnih i vodnih objekata putem regulisanja odvodnje oborinskih i otpadnih voda koje “prihranjuju” klizišta. Težište je bilo i na uređenju korita rijeka i potoka koja su devastirana tokom ranijih prirodnih nesreća. Dodijeljeno je 500 betonski polutki fi 500, 300 betonskih odvodnih cijevi fi 300, 200 PVC cijevi fi 200, 10 betonskih cijevi fi 1000, 30 betonskih odvodnih cijevi fi 500 (puna), 30 betonskih odvodnih cijevi fi 300 (puna), 200 PVC cijevi fi 160, 50 betonskih polutki fi 1000, 30 PHD korugiranih cijevi fi 300, 20 metara kubnih betona i 10 komada armaturne mreže Q335.

Obilježavanje i uklanjanje NUS-a

Služba civilne zaštite u saradnji sa TUN timom, KUCZ i PS Kakanj vrši redovno obilježavanje i uklanjanje pronađenog zaostalog NUS-a. U toku 2019.godine prikupljeno je i predato: 75 protivtenkovskih mina, 2 ručne bombe, jedna minobacačka granata kalibra 60 mm i 100 metaka kalibra 7,62 mm.

Intervencije Profesionalne vatrogasne jedinice Kakanj

Donosimo tabelarni pregled aktivnosti Profesionalne vatrogasne jedinice Kakanj sa uporednim pokazateljima:

Vrsta intervencije	Broj intervencija u 2019.godini	Broj intervencija u 2018.godini
Stambeni objekat	13	14
Pomoćni objekat (štala, garaža...)	5	7
Dimnjaci	20	14
Šumski požar i nisko rastinje, trava	93	15
Poplave i druge nesreće	15	16
Požar na vozilima i saobraćajni udesi	5	10
Tehničke intervencije (kontejneri, smeće, gume, sijeno, otključavanje stana, sapiranje, prevoz vode itd)	28	51
U K U P N O, s danom 16.12.2019.	179	127

U poređenju sa prethodnom godinom može se konstatovati da je došlo do povećanja ukupnog broja intervencija, posebno intervencija na gašenju šumskih požara, niskog rastinja i trave.

Učešće pravnih lica iz oblasti šumarstva koja gospodare i čuvaju šume i u 2019. godini je bilo više nego skromno, i u oblasti prevencije i u oblasti represije u smislu utvrđivanja identiteta lica koja izazivaju šumske požare. Isto tako, skromni su i njihovi kapaciteti u oblasti vatrogastva.

Obuka

Povodom 5. maja – Svjetskog dana vatrogasaca, Profesionalna vatrogasna jedinica Kakanj i Dobrovoljna vatrogasna jedinica Kakanj su učestvovali na obuci na kantonalnom nivou koja je upriličena u općini Doboj Jug.

Tokom 2019. godine izvršen je obilazak škola i vrtića tokom kojeg je izvršeno upoznavanje djece sa zaštitom od požara, te osnovnim mjerama u slučaju požara i potrebe za evakuacijom.

Izvršene su i taktičko-pokazne vježbe u osnovnim školama „Mula Mustafa Bašeskija“ i „Hamdija Kreševljaković“.

Kakanjski vatrogasni podmladak i ove godine je osvajao zapažene rezultate na takmičenjima.

Odlučno i ustrajno čuvanje tekovina Odbrambeno-oslobodilačkog rata 1992-1995. godina i NOAR-a 1941-1945. godina

U 2019. godini realizirane su brojne aktivnosti na jačanju patriotizma i čuvanju tekovina Odbrambeno-oslobodilačkog rata 1992-1995. godina i NOAR-a 1941-1945. godina.

Izdvajamo aktivnosti:

izgrađeno spomen-obilježje u Parku zlatnih ljiljana u blizini Muzeja Kaknja; izgrađeno spomen-obilježje na lokalitetu Hurije - uzvišenju iznad OŠ "15. april" Doboj na kojem je početkom 1992. godine postavljen položaj kakanjske protivzračne odbrane (PVO); postavljeni jarboli sa zastavom BiH ispred pošte, na zelenoj površini kod autobuske stanice, te u Gradskom spomen-parku; pružena pomoć mještanima Sopotnice na rekonstrukciji i dogradnji šehidske spomen-česme; pružena podrška aktivnostima na izgradnji šehidske česme u Papratnici; predložena odluka koju je usvojilo Općinsko vijeće o imenima novih ulica (Ulica Čete Bosna, Trećeg manevarskog bataljona, Kemala Čelebića, Elvedina Šehagića, Eneza Neimarlije, Rahmana Kovača, ZAVNOBIH-a, Kotromanića, 9. maja...); objavljen javni poziv za izradu idejnog rješenja za spomen-obilježje uz regionalni put u Papratnici u znak sjećanja na 18. maj 1992. godine kada je na tom mjestu zaustavljena kolona JNA iz koje je oduzeto oružje koje je poslije bilo važno za odbranu; jarboli ispred stare zgrade Općine preneseni u Tršće kod džamije (postavljena i zastava Armije R BiH); dostojanstveno obilježeni svi značajni datumi; na Dan pobjede nad fašizmom posjećena zaboravljena spomen-obilježja antifašistima Rudiju Čajavecu, Mehmedu Skopljaku i Ivi Loli Ribaru...

I u 2019. godini 1.000.000 KM za sport

I u 2019. godini izdvajanja Općine Kakanj za sport iznose oko 1.000.000 KM što je veliki uspjeh za jednu lokalnu zajednicu koja broji 38.000 stanovnika.

U ovoj cifri su direktna izdvajanja za sport koja iznose 730.000 KM, a na tu cifru treba dodati još oko 200.000 KM koliko koštaju troškovi korištenja dvoranskih kapaciteta koje koriste klubovi, obzirom da su isti oslobođeni plaćanja ovih troškova. Osim toga, realiziran je i niz drugih projekata

koji su direktno vezani za oblast sporta tako da u konačnici ulaganje u sport u 2019. godini iznosi oko 1.000.000 KM.

Podsjetimo, klubovi su oslobođeni plaćanja troškova korištenja dvoranskih kapaciteta u svrhu treninga i odigravanja utakmica, a uslove za treniranje obezbjeđuje Općina Kakanj budžetskim finansiranjem troškova rada Javne ustanove Kulturno-sportski centar Kakanj koja upravlja dvoranskim sportskim kapacitetima.

Pored redovnog finansiranja i podrške kakanjskog sportu, podržan je i niz aktivnosti koje se odnose na sport. Izdvajamo aktivnosti: Kulturno-sportska manifestacija „Kakanjski dani“, Izbor sportiste godine općine Kakanj, Liga mjesnih zajednica, Male olimpijske igre, nabavka lopti za škole, međunarodni turnir u stonom tenisu-veterani, veliki doček za Amela Tuku...

Velike zasluge za uspjeh kakanjskog sporta ima i kakanjska privreda koja izdvaja velika novčana sredstva za sport.

Intenzivan rad općinske inspekcije

U periodu od 1. januara do 30. novembra, općinska inspekcija je poduzela ukupno 1.189 inspeksijskih pregleda, od čega su 548 pregleda izvršena po planu inspeksijskog nadzora, 356 po zahtjevu/inicijativi građana, dok je 285 inspeksijskih pregleda izvršeno po anonimnim prijavama.

Općinska inspekcija je poduzela ukupno 7.637 radnji.

Poduzeto je 635 preventivnih i 516 represivnih mjera. Izdato je ukupno 445 prekršajnih naloga u ukupnom novčanom iznosu od 50.126 KM.

Općinska inspekcija je inicirala aktivnosti na uklanjanju 5 divljih deponija smeća na području Kakanja (Povezice, Autobuska stanica, Papratnica, Rudarska ulica, lokacija u blizini novoizgrađene zgrade iza TC Robot).

U pomenutom periodu uklonjeno je 18 građevina i 11 predmeta.

Inspekcija je izdala 93 rješenja o obavezi registracije vlasničkih pasa.

Redovno se uz pomoć Luminometra vrši provjera higijenske ispravnosti radnih površina u ugostiteljskim objektima, te higijenske ispravnosti rukohvata i drugih površina s kojima su ljudi u kontaktu.

Veći broj rođenih u odnosu na broj umrlih, uvedeni besplatni pozivi prema općinskim službama, e-ovjera i e-matičar...

U matične knjige rođenih u 2019. godini izvršeno je 457 upisa, dok je u matične knjige umrlih izvršen 391 upis. U matične knjige vjenčanih izvršena su 252 upisa.

U 2019. godini u šalter-sali Općine Kakanj zabilježeno je 110.000 posjeta. Zabilježeno je 120.000 ovjera potpisa, rukopisa i prepisa. Izdato je 23.000 izvoda iz matičnih knjiga.

U 2019. godini uvedeni su noviteti koji omogućavaju bržu i efikasniju uslugu koja se pruža građanima. Radi se o web aplikaciji za elektronsko podnošenje zahtjeva za izdavanje izvoda iz matičnih knjiga sa slanjem na kućnu adresu, te elektronskom sistemu e-ovjera za elektronsko ovjeravanje potpisa, rukopisa i prepisa.

U 2019. godini uveden je broj telefona za besplatne pozive građana prema općinskim službama (0800 206 06).

U 2019. godini u Kaknju je osnovano novih 5 mjesnih zajednica (Gornja Ričica, Bištrani, Plandište, Kučići i Koprivnica).

U 2019. godini angažirano je 26 pripravnika ili lica na stručnom osposobljavanju. Iz 2018. godine su preuzete obaveze refundacije troškova za 29 lica, što znači da je Općina Kakanj u 2019. godini financirala 55 pripravnika ili lica na stručnom osposobljavanju. Za tu svrhu iz Budžeta Općine Kakanj je izdvojeno 162.000 KM.

Održano 11 sjednica Općinskog vijeća, dvanaesta zakazana za 30. decembar

U 2019. godini pripremljeno je 12 sjednica Općinskog vijeća (11 održano, dvanaesta zakazana za 30. decembar).

Pripremljeno je 158 tačaka dnevnog reda. Od toga Općinsko vijeće je razmatralno 22 programa i plana, 47 odluka, 41 izvještaj, 10 informacija... Obrađeno je 75 vijećničkih pitanja i 102 vijećničke inicijative. Usvojeno je 7 rješenja, 13 zaključaka, 10 akata o imenovanjima...

Servisiran je i rad radnih tijela Općinskog vijeća Kakanj, od kojih su najfrekventnije u radu Komisija za procjenu prometne vrijednosti nekretnina, Općinska izborna komisija i Drugostepena komisija za žalbe.

Redovno je vršeno štampanje Službenih novina Općine Kakanj.

Kakanj, decembar 2019. godine

